

Ik peter kurd es borgermester vnde myne kumpen geswor-
ne Schepen to konre bekennen openbar in vnser stad boke, dat
Hans Dm is gekomen vor gehegeder bank vnde begiftiget vnde
begafet vnde lhen laten Alheiden syne Eliken Hussrouwen mit
alle dem, dat he heft im velde edder in dorpe odder wur he
dat heft edder vmmet gewinnet, Des sulsen gelyk heft se om
gedan, vnde we des andern dod lefet, dat schal behalden, wat
dar is. To bekentnisse hebbe we dat schriften laten in vnser
stad bok Anno dn̄i M° cccc° xxxvij° feria quarta in sente Gal-
len dage.

We Curb becker borgermester, Dreus wenzel,
Syse mans, Arnd Dufel, Hans fredeberch vnde
Mauriz Döncz gesworne Schepen to konre bekennen in
vnser stadbuke, dat vor vns is gewest vor gehegeder bank pe-
ter Curbies vnse Medeborger mit Dorotheen finer Eliken
Hussrouwen vnde het dri stund in dren dingdagen laten vpbiden
vnde vpgeladen syn gud, als sik dat gebord, do dar neyne an-
spraken quam von synen ersen, So heft he Dorotheen sine
eliken Hussrouwen begiftiget vnd begafet mit alle sime gude,
dat he het vnde vmmet mer gewinnet an deme lefende vnde
nach sime dode to orme lyse sunder erffgud, des sulsen glik
heft se ome wedder gedan vnde hebben sik des so am beider
zeijt mit wolbedachtem mude vnde gudem willen eynt, we des
andern dode lefet, de schal behalden, wat dar is, Disses sij
we vorgeschreuen Schepen vnde Radlude on bekant, wur on
des not is, vnde betugen dat mit vnser stad buke vnde is
geschrefen Na goddes bord Anno dn̄i M° cccc° xxxviii° des Ne-
gisten Donrstsags Na Epiphanie domini.

Item we borgermester vnde gesworne schepen Curb be-
cker vnde myne kumpen bekennen in diffeme vnser stad buke,
dat Hinrik Thesen bi vnsern tijden von vns entfangen het
der brouwer ynninge von syns Eliken wifes wegen Saffen*)
vnde he sulsen het de to vorne gehat von syns vaders wegen

*) = Sophien.